

დავით გარეჯში მცხოვრები სასულიერო პირი - აზერბაიჯანულმა მხარემ ჩიხხიტურის კოშკის მიმართულებით არსებული ბილიკის გამაგრება დაიწყო



აზერბაიჯანულმა მხარემ დავით გარეჯში, ჩიხხიტურის კოშკის მიმართულებით არსებული ბილიკის გამაგრება დაიწყო, – ამის შესახებ „ინტერპრესნიუსს“ დავით გარეჯში მცხოვრებმა მამა ზვიადმა განუცხადა.

მისივე განმარტებით, ჩიხხიტურის კოშკზე გიდი იყო ასული, რომელმაც აღნიშნულის შესახებ მიაწოდა ინფორმაცია. მამა ზვიადი ამბობს, რომ აზერბაიჯანულმა მხარემ ჩიხხიტურის კოშკის მიმართულებით სატვირთო მანქანით, სავარაუდოდ, ქვიშით სავსე ტომრები მიიტანა, რომელითაც აღნიშნულ ბილიკს ამაგრებს.

„ჩიხხიტურის მიმართულებით რომ სამანქანო გზა შეიყვანეს, იმ გზის მერე კოშკამდე შესასვლელი ბილიკი გრძელდება. სწორედ ამ მხარეს ქვები დაალაგეს და გაამაგრეს. ჩვენი გიდი ჩიხხიტურის კოშკზე იყო ასული და მასთან გადავამოწმე ეს ინფორმაცია“, – განაცხადა მამა ზვიადმა.

ამასთან, მისივე განმარტებით, ბილიკის გამაგრების პროცედურას გუშინ, თვითონაც შეესწრო.

„გუშინ დილით ვიყავი ასული, მაინტერესებდა, ხდებოდა თუ არა რამე ახალი.

სატვირთო ავტომატური მოუტანიათ რაღაც, არ ვიცი ზუსტად რა არის, ტომრებში იყო, სავარაუდოდ, ქვიშა იყო. რაღაც გზებს ამაგრებენ, ოღონდ იმ გზას, რაც ტრაქტორით გაჭრეს. ეს არის გუშინდელი ინფორმაცია“, – განაცხადა სასულიერო პირმა.

<https://www.orthodoxianewsagency.gr/wp-content/uploads/2019/07/1gareji.mp4>

– [IPN](#)

–